

## **Universitäts- und Landesbibliothek Tirol**

**De physeos apud Aristotelem notione eiusque ad animam  
ratione**

**Bonnae, 1884**

Pars Prior

[urn:nbn:at:at-ubi:2-11549](#)

## Pars prior.

Ipsa φύσεως notio ex singulis Aristotelis locis explicata.

### I.

De principali illa divisione, qua Aristoteles omnes res dirimit in res naturales et res non naturales.

Causae, que dicuntur motrices, aut eae sunt, quibus impellimur, ut faciamus aliquid, quod Graece dicitur πράττειν τι, aut eae, quae pertinent ad rerum ortus, mutationes, interitus, quaeque sunt ποιητικαὶ αἰτίαι; ex illis actiones manant eae, quae διὰ προσάρειν fiunt, ex his oriuntur res, quae φύσει aut τέχνῃ efficiuntur.

Ut igitur appareat, quid sit ἡ φύσις, Aristoteles quaerere instituit, quid potissimum differant res natura a rebus non natura natis: Τῶν ὄντων<sup>1</sup> τὰ μὲν ἔστι φύσει, τὰ δὲ δι' ἄλλας αἰτίας, φύσει μὲν<sup>2</sup> τὰ τε ζῶα καὶ τὰ μέρη αὐτῶν<sup>3</sup> καὶ τὰ φυτὰ

<sup>1</sup> Phys. II 1. 192 b 8.

<sup>2</sup> Lectionem sequimur Bekkerianam, a qua, quae in codice E leguntur verba, non nihil discrepant; quae utrum praferenda sint, necne, videamus. In eis, quae vulgo leguntur, desideramus particulam δὲ correlativam, quae μὲν particulae v. 9 respondeat; nam δὲ v. 12 eo referri non potest; an putas verbis τοῖς φύσει τενομένοις opposita esse posse τὰ φύσει δῆτα? Quae vero secuntur v. 13 τὰ μὲν γάρ φύσει ὄντα cum verbis κλίνη δὲ καὶ ἴματιον κτλ. sunt coniungenda. In verbis autem, quae cod. E v. 9 exhibet φύσει δέ φαμεν εἶναι κτλ. nihil desideratur. Accedit quod Alexander verba eiusdem codicis videtur legisse; Simplicii enim in Aristotelis Physicorum libros evolvens commentaria invenies (p. 264 Diels) haece, ἐφιστάνει δὲ ὁ Ἀλέξανδρος, δτι τούτων ἔκαστον εἴπεν ἐν ἑαυτῷ ἔχειν ἀρχὴν κινήσεως καὶ στάσεως, & προείρηκε, τουτέστι τὰ ζῶα καὶ τὰ φυτὰ καὶ τὰ ἀπλὰ τῶν σωμάτων, ἀλλ' οὐχὶ πάντα τὰ φυσικά: quae in uno codice E leguntur sic exhibente: τούτων μὲν γάρ ἔκαστον ἐν ἑαυτῷ ἀρχὴν κτλ., ceteri: τὰ μὲν γάρ φύσει δῆτα πάντα φαίνεται ἔχοντα ἐν ἑαυτοῖς ἀρχὴν κτλ. Quae quamvis ita se habeant, tamen lectio codicis E hoc quidem loco recipienda non videtur; ea enim probata eiencia erunt illa v. 11 ταῦτα γάρ εἶναι καὶ τὰ τοιαῦτα φύσει φαμέν; quae verba adeo sunt Aristotelis, sermonisque tenori apta, vix ut omitti possint. Atque μὲν particula non ita raro ponitur nulla correlativa respondentem, praesertim cum, quae sint opponenda, facile simul audiantur. Quibus omnibus reputatis in eis, quae vulgo leguntur, acquiescimus.

<sup>3</sup> Verba καὶ τὰ μέρη αὐτῶν grammaticē non referas nisi ad ea,

καὶ τὰ ἀπλᾶ τῶν σωμάτων, οἷον γῆ καὶ πῦρ καὶ ἀήρ καὶ ὕδωρ· ταῦτα γάρ εἶναι καὶ τὰ τοιαῦτα φύσει φαμέν. Quibus maxime res sunt oppositae, quae arte perficiuntur. Quaerendum igitur est, quid nam sit causae, cur illa praeter cetera corpora vocentur naturalia. Commune eis aliquid esse oportet, in quo posita sit haec differentia. Id autem in eo cernitur, quod omnibus naturalibus corporibus principium quoddam motus insitum esse apparet: Τὰ μὲν γάρ φύσει δύντα πάντα φαίνεται ἔχοντα ἐν ἑαυτοῖς ἀρχὴν κινήσεως καὶ στάσεως (*ibid.* 192<sup>b</sup> 13). Quae cunque autem res ut lectica, vestis, aliae id genus arte perfectae sunt, eae, si id unum respexeris a quo denominantur, nullum in se mutationis impetum habent: κλίνη δὲ καὶ ἴματιον καὶ εἴ τι τοιούτον ἄλλο γένος ἔστιν, ή μὲν τετύχηκε τῆς κατηγορίας ἔκαστης καὶ καθ' ὅσον ἔστιν ἀπὸ τέχνης, οὐδεμίαν δρμῆν<sup>1</sup> ἔχει μεταβο-

---

quea praecedunt: τὰ τε ζῷα; sed conferenda sunt, quea de eadem re initio tertii de Caelo libri (298<sup>a</sup> 29) dicuntur: λέγω δ' οὐcίας μὲν τὰ τε ἀπλᾶ σώματα, οἷον πῦρ καὶ γῆν καὶ τὰ σύστοιχα τούτοις, καὶ δοις ἐκ τούτων, οἷον τόν τε σύνολον οὐρανὸν καὶ τὰ μόρια αὐτοῦ, καὶ πάλιν τὰ τε ζῷα καὶ τὰ φυτά καὶ τὰ μόρια τούτων, quare veteres interpretes ad unum omnes τῶν γάρ φύσει καὶ τὰ μέρη φύσει (*Themistius* p. 156 Spengel). In re explicanda non item consentiunt. Namque Alexander (apud Simplicium l. l. p. 261) εἰπὼν δὲ καὶ τὰ ζῷα προσέθηκε καὶ τὰ τούτων μέρη, διότι τῶν φύσει δύντων καὶ τὰ μέρη φύσει· τῶν μὲν γάρ τεχνητῶν τὰ μέρη οὐ πάντα τεχνητά.. τῶν δὲ φυσικῶν τὰ μέρη καὶ αὐτὰ διὰ φύσιν εἰσὶ. καὶ τοῦτο εἰκότως· ταῖς μὲν γάρ τέχναις ὑπόκειται τὰ φυσικὰ σώματα, τοῖς δὲ φύσει γινομένοις καὶ τὰ ὑποκείμενα φυσικά· διὸ καὶ τὰ τούτων μέρη φυσικά πάντα. Cuius explicationem Simplicius corrigens aliqua ex parte haec addit: εἰ δὲ μέρη καὶ τὰ στοιχεῖα καλούμεν, οἵλα ἔστι ξύλα καὶ λίθοι καὶ τὰ τοιαῦτα τῶν οἰκων, καὶ ἐπὶ τῶν φυσικῶν τὰ πρώτα στοιχεῖα οὐκ ἔστι φυσικά· οὐδὲ γάρ ή ὑλη φυσικὴ καθ' αὐτὴν ἀκίνητος οὖν. ἀλλ' ἵσως ἔστι τις καὶ ἐν τούτοις διαφορά· καὶ γὰρ ἐπὶ μὲν τῶν τεχνητῶν καὶ τὰ προσεχὴ στοιχεῖα φυσικά ἔστιν.. ἐπὶ δὲ τῶν φυσικῶν εἰ καὶ τὸ ἔχατον ὑποκείμενον μὴ ἔστι φυσικὸν οἷον ή ὑλη ἀλλὰ τὰ προσεχὴ φυσικά ἔστιν. Quae quamvis ita se habeant, noli tamen putare verborum ordinem esse mutandum. Neque enim ita diligens est Aristotelis scriptura.

<sup>1</sup> Commemorat Simplicius (p. 265) pro δρμῆς vocabulo quosdam scripsisse ἀρχῆν. Ipse δρμῆν δὲ, inquit, κυρίως τὴν ἔνδοθεν ἀρχὴν ἐκάλησε τῆς κινήσεως. Recte; namque φύσεως vis, quae hoc loco δρμῆ id est impetus dicitur, in quarto de Caelo libro (308<sup>a</sup> 2), ubi de φύσει et δυνάμει τοῦ βαρέος καὶ κοῦφου consideratur, οἷον Ζώπυρ' ἄττα κινήσεως designatur, id est fomentum vel somes quasi motus.

λῆγς ἔμφυτον (*ibid.* 15); quoad autem sunt lapideae vel terrenae vel ex rebus talibus mixtae, his quoque eaque quidem ratione, qua sunt mixtae, principium motus est insitum: ή δὲ συμβέβηκεν αὐτοῖς εἶναι λιθίνοις ή γηῶνοις ή μικτοῖς ἐκ τούτων, ἔχει, καὶ κατὰ τοσοῦτον (*ibid.* 18), ex quibus videre licet: τὴν φύσιν esse principium habendum causamque motus.

## II.

Principium motus quo modo rebus naturalibus inhaereat.

Sed haec causa motus non invenitur nisi in eis corporibus, in quibus ή φύσις inest πρώτως καθ' αὐτὸν καὶ μὴ κατὰ συμβεβηκός (*Phys.* 192<sup>b</sup> 22). Additur πρώτως, ut corpora naturalia ipsa a rebus, quae forte ex eis sint formatae, distinguantur; nam πρώτως inesse sive κυρίως de eo dicitur, quod rei alicui eprimo proprieque inhaeret nullo medio interposito. Quare, ut exemplo utar, statuam, simulatque id, in quo posita erat, subductum est, deorsum ferri videmus, neque tamen movetur; quod a est figura, cui nomen est statua, sed quia ex aere vel ligno constat. Non igitur statua, sed aes vel lignum in eis ducenda sunt, quibus ὀρχή καὶ αἰτία κινήσεως πρώτως ὑπάρχει.

Quae secuntur verba καθ' αὐτὸν καὶ μὴ κατὰ συμβεβηκός medici exemplo inlustrantur. Fieri enim potest, ut aliquis aegrotans medicus ipse sibi auctor sit valetudinis restituendae. Cuius mutationis, cum in laboranti (non in medico) fiat homine — is enim e malo in bonam progreditur valetudinem — non aegrotans per se est causa, sed accedit ut is, qui aegrotet, idem sanet; aliud enim est aegrotare aliud medicum esse.<sup>1</sup> Itaque medicum ab aegrotanti homine plerumque diversum esse videmus.

<sup>1</sup> Τὸ πρώτως igitur et τὸ καθ' αὐτὸν, quamvis idem fere indicent, tamen aliqua ex parte sunt diiudicanda. Fieri enim potest, ut qualitas quaedam compluribus rebus καθ' αὐτὸν neque vero eadem πρώτως inesse dicatur. Trigono enim καθ' αὐτὸν ὑπάρχει τὸ τὰς τρεῖς γωνίας δυειδήθοις ἵσας ἔχειν, idemque trigono aequis cruribus καθ' αὐτὸν inesse oportet; namque hoc, quoad aequis cruribus, trigonum est, et quoad trigonum, duobus rectis aequos habet; ex quo perspicuum est aliud ab alio separari non posse. Neque vero dixeris πρώτως inesse τῷ ἰσοκελεῖ τὸ δυειδήθοις ἵσας ἔχειν, quia per medium trigoni inest. — Rursus virtus

Quaecunque igitur arte quadam sive extrinsecus sive intus moventur, nisi mutantur per se sed per accidens, in se habere principium motus non dicuntur: οὐδὲν γάρ αὐτῶν (τῶν ποιουμένων scilicet) ἔχει τὴν ἀρχὴν ἐν ἑαυτῷ τῆς κινήσεως, ἀλλὰ τὰ μὲν ἐν ἄλλοις καὶ ἔξωθεν, οἷον οἰκίᾳ καὶ τῶν ἄλλων τῶν χειροκμήτων ἔκαστον, τὰ δὲ ἐν ἑαυτοῖς μὲν ἀλλ' οὐ καθ' αὐτὰ, δια-κατὰ συμβεβηκός αἰτίᾳ γένοιτο ἀν αὐτοῖς (ibid. 28).

Ex quo efficitur, ut ἡ φύσις sit principium quoddam causa-que motus quietisve earum rerum, in quibus hoc principium insit primo proprieque et non per accidens: ὡς οὖσης τῆς φύσεως ἀρχῆς τινὸς καὶ αἰτίας τοῦ κινεῖσθαι καὶ ἡρεμεῖν ἐν ᾧ ὑπάρχει πρώτως καθ' αὐτὸν καὶ μὴ κατὰ συμβεβηκός (ibid. 20).

Argumentationem ut complectemur Simplicii verbis uti lubet:

φύσις ἔστιν ᾧ διαφέρει τὰ φύσει τῶν μὴ φύσει· διαφέρει τὰ φύσει τῶν μὴ φύσει τῷ ἀρχῇ καὶ αἰτίᾳ κινήσεως καὶ ἡρε-μίᾳς ἐνυπάρχουσαν ἔχειν πρώτως καθ' αὐτὸν καὶ μὴ κατὰ συμβε-βηκός· φύσις ἄρα ἔστιν ἀρχὴ κινήσεως καὶ ἡρεμίας, ἐν ᾧ ἔστι πρώτως καθ' αὐτὸν καὶ μὴ κατὰ συμβεβηκός.

### III.

#### De diversis φύσεως apud philosophos significationibus.

Iam de hoc principio ita videtur agendum, ut in quo possumus sit ostendatur. Quem ad finem diversae percensendae sunt significationes, quibus ipse Aristoteles φύσεως vocem adhiberi narrat. Duo autem potissimum sunt loci<sup>1</sup>, quibus de hac re loquitur. Ex quibus locis, qui quidem verbis non re inter se differunt, quae hoc potissimum pertinent, deinceps proferamus.

Ac primum quidem φύσις dicitur earum, quae nascuntur, rerum generatio: φύσις λέγεται ἐν μὲν τρόπον ἡ τῶν φυομένων

---

in anima πρώτως inesse dicitur, non enim medio ullo indiget; neque vero inest καθ' αὐτὸν: si esset, animae notione virtus contineretur, nec ulla esset anima virtute carens. — Ubiunque autem qualitas quaedam ipsa rei notione cohibetur, ea et πρώτως et καθ' αὐτὸν subesse putanda est. Quidquid igitur καθ' αὐτὸν dicitur, id in notione rei inesse oportet, quidquid πρώτως dicitur, cum rei natura coniunctum esse potest id quidem, non necesse est.

<sup>1</sup> Exstant loci Mtp. Δ. 4. 1014<sup>b</sup> 16 sqq. Phys. B. I. 193<sup>a</sup> 9 sqq.

γένεσις; deinde id quod subest rebus nascentibus, ex quo ut ex materia vel substrato fiunt: ἔνα δὲ ἐξ οὐ φύεται πρῶτον<sup>1)</sup> τὸ φυόμενον ἐνυπάρχοντος, tum id, unde in unaquaque rerum natura natarum, quatenus ipsa res est, primus inest motus: ἔτι ὅθεν ἡ κίνησις ἡ πρώτη ἐν ἑκάστῳ τῶν φύεται ὅντων ἐν αὐτῷ ἡ αὐτῷ ὑπάρχει<sup>2)</sup>.

Paulo post ea φύεται significatio, quae ad materiam pertinet, adcuratius explicatur. Indicatur enim substratum, quod per se sine ulla specie aut figura omnibus rebus existimatur subesse: ἔτι δὲ φύεται ἐξ οὐ πρώτου ἡ ἔστιν ἡ γίγνεται τι τῶν φύεται ὅντων ἀρρυθμίστου ὅντος καὶ ἀμεταβλήτου ἐκ τῆς δυνάμεως τῆς αὐτοῦ, οἷον ἀνδριάντος καὶ τῶν σκευῶν τῶν χαλκῶν ὁ χαλκός ἡ φύεται, τῶν δὲ ξυλίνων ξύλον· δομοίς δὲ καὶ ἐπὶ τῶν ἄλλων ἐκ τούτων τάρ εἶτιν ἑκαστον διασωζομένης τῆς πρώτης ὕλης (*ibid.* 26).

Eadem de re fusius disputatur in Physicorum libris eoque consilio, ut simul patefat, quibus usi rationibus non nulli philosophi materiam esse φύσιν censuerint. Id enim esse iudicabant ens ipsum et veram rerum naturam essentiamque ‘τὴν φύσιν καὶ τὴν οὐσίαν τῶν φύεται ὅντων’ quod omnibus quo cunque modo figuratis corporibus primo proprieque subesset ‘τὸ πρῶτον ἐνυπάρχον ἑκάστῳ’ quodque per se figura carens ipsum eandem semper vim haberet; nam, quae oriri viderentur perireque res singulares, nihil esse nisi illius affectus, habitus, dispositiones ‘τὴν δ’ οὐσίαν οὖσαν ἐκείνην’ ἡ καὶ διαμένει ταῦτα πάσχουσα συνεχῶς. Tale autem substratum alii aliud ponebant ‘διόπερ οἱ μὲν πῦρ, οἱ δὲ τῆν<sup>3)</sup> οἱ δ’ ἀέρα φασίν, οἱ δὲ ὕδωρ, οἱ δ’

<sup>1)</sup> Adnotat Bekkerus ‘πρώτου corr. E’ quam lectionem recipiendam censeo; cf. de hac re: Bonitz: *Observationes criticae in Aristotelis libros metaphysicos* p. 52.

<sup>2)</sup> Cum ceteris codd. legendum est ἐν αὐτῷ ἡ αὐτὸ, id quod unice verum esse e constanti Aristotelis usu intellegitur; unus cod. E praebet ἡ αὐτῷ. — Res exemplis confirmatur a Bonitzio l. 1. p. 135, a Schweißlero ‘Die Metaphysik des Aristoteles’ III p. 200.

<sup>3)</sup> Verba si respexeris ‘οἱ μὲν πῦρ, οἱ δὲ τῆν’ κτλ., quae in Metaphysicis libris (1014 b 33) eadem leguntur, non sine causa putaveris fuisse, qui terram solam substantiam naturamque omnium rerum poneret. Id quod ab Aristotele non semel negatur: (Phys. 187 a 12 sqq.) οἱ μὲν τάρ ἐν ποιήσαντες τὸ ὄν κάμα τὸ ὑποκείμενον, ἡ τῶν τριῶν τι ἡ ἄλλο κτλ. τὴν τάρ τῆν οὐδεὶς ἡξίωσεν ὑποθέσθαι μόνην διὰ τὸ δυσαλλοίωτον ad-

ἔνια τούτων, οἱ δὲ πάντα ταῦτα τὴν φύσιν εἶναι τὴν τῶν ὄντων.  
δὸς γάρ τις αὐτῶν ὑπέλαβε τοιοῦτον εἴτε ἐν εἴτε πλείῳ, τοῦτο  
καὶ τοσαῦτά φησιν εἶναι τὴν ἅπασαν οὐσίαν, τὰ δὲ ἄλλα πάντα  
πάθη τούτων καὶ ἔξεις καὶ διαθέσεις.

Quibus praemonitis satis erit manifestum, quid sibi velint  
verba ‘ἔνα μὲν οὖν τρόπον οὕτως ἡ φύσις λέγεται ἡ πρώτη  
ἐκάστῳ ὑποκειμένῃ ὅλη τῶν ἔχοντων ἐν αὐτοῖς ἀρχὴν κινή-  
σεως καὶ μεταβολῆς’.

Iam de ea significatione agendum est, qua φύσις dicitur  
rerum forma, qua quidquaque sit res definitur: ‘ἄλλον δὲ  
τρόπον ἡ μορφὴ καὶ τὸ εἶδος τὸ κατὰ τὸν λόγον’ (193<sup>a</sup> 30).

Cuius rei hae fere causae adferuntur. Ut ars dicitur,  
quod secundum artem est et quod artificiosum, ita et natura  
dicitur, quod est secundum naturam et naturale. Namque ut  
illuc non id dixeris artem vel secundum artem esse, quod fieri  
quidem possit lectica, ipsam autem lecticae formam nondum  
habeat, ita etiam in rebus naturalibus id, quod non nisi potentia  
caro vel os est, suam habere naturam non censeas, antequam  
carnis vel ossis formam accipiat.

Porro ἡ φύσις, quae vocatur generatio, nihil est nisi via  
ad naturam et certam quandam formam; a forma autem, in  
quam intravit, non a materia, a qua profecta est, omnis res  
nominatur. Itaque ‘ἄλλον τρόπον ἡ φύσις ἀν εἴη τῶν ἔχοντων  
ἐν ἑαυτοῖς κινήσεως ἀρχὴν ἡ μορφὴ καὶ τὸ εἶδος οὐ χωριστὸν  
ὅν ἀλλ’ ἡ κατὰ τὸν λόγον’ (193<sup>b</sup> 3 sqq.).

Verbis οὐ χωριστὸν ὅν docet nos Aristoteles eam esse  
intellegendam formam, quae rem singularem ita constitutat, ut a  
materia separari non possit nisi mente ac cogitatione.

Ab hac φύσεως significatione cum vox transferatur ad  
οὐσίας cuiuslibet generis indicandas, etiam ceterorum corporum  
non naturalium formae omniumque rerum qualitates habitusque  
φύσεις quodam modo dicuntur: μεταφορῇ δὲ ἥδη καὶ ὅλως  
πᾶσα οὐσία φύσις λέγεται διὰ ταύτην, δτι καὶ ἡ φύσις οὐσία  
τίς ἔστιν (1015<sup>a</sup> 11).

Res autem singulares ipsas, quippe quae constent ex ὅλῃ

---

notat Simplicius 1. 1. p. 149) Mph. 988<sup>b</sup> 29 καὶ πρὸς τούτοις τὸ ῥᾳδίως  
τῶν ἀπλῶν σωμάτων λέγειν ἀρχὴν ὅτιον πλὴν τῆς alii, ex quibus,  
quae supra de scriptura iudicavimus, inlustrantur.

καὶ εἴδει et φύσιν in se contineant, non tam φύσεις appellandas quam ψύσει esse censem Aristoteles: τὸ δ' ἐκ τούτων φύσις μὲν οὐκ ἔστι. φύσει δὲ, οἷον ἄνθρωπος (193<sup>b</sup> 5).

#### IV.

Τὴν φύσιν, quae est principium motus quietisve, Aristotelis sententia in rerum forma positam esse.

Indicavimus fere modos, quibus φύσεως voce utebantur veteres philosophi. Sed quo modo cunque interpretaberis τὴν φύσιν sive ut sit rerum generatio, sive origo et causa motus, sive materia sive forma rerum; non poteris dicere quid tandem sit ἡ φύσις, nisi perspexeris, in qua re causa illa motus posita sit; nam tolle hoc principium, iam τὴν φύσιν sustuleris ipsam.

Itaque variae, quas modo commemoravimus, eiusdem vocis significaciones non tam diversae possunt esse, quam primo ob tutu videntur. Immo ad eandem omnes rem referenda sunt, quae quidem res ab aliis aliter definiebatur. Quaecunque autem est ea res, quae φύσις habetur, quoniam ab ea corporum naturalium generatio eo differt quod eius mera est actio, causa autem et origo motus, quo res naturales per se moventur, nihil nisi appellatione diversa est, duo restant, in quibus ea quaerenda est: ὅλη et εἶδος.

Ex tota autem quam persecuti sumus disputatione, utrum materia an forma rerum rectius appellaretur φύσις, satis cognovimus Aristotelem ab eorum parte, qui materiam esse φύσιν contendenter, longe distare. Quorum sententiam, cum defendantem facit Antiphontem quandam, ipse causam agit eorum, qui in forma potius τὴν φύσιν cernendam esse arbitrentur: nam quae (Phys. 193<sup>b</sup> 6) leguntur ‘καὶ μᾶλλον αὕτη φύσις τῆς ὅλης<sup>1</sup> ἔκαστον γάρ τότε λέγεται κτλ. non ab aliorum ratione

<sup>1</sup> Verba ‘καὶ μᾶλλον αὕτη φύσις τῆς ὅλης’ a Porphyrio (secundum Simplicium 1. l. p. 227) ad τὸ σύνθετον id est rem singularem referuntur; διπερ (τὸ σύνθετον scil.) κἄν εἰ μὴ φύσις ἔστι κυρίως, ἀλλὰ φύσει, ἀλλ' ὅμως μᾶλλον φύσις ἔστι τῆς ὅλης, διότι τὸ εἶδος μᾶλλον φύσις δν ἐν ἑαυτῷ ἔχει; quem equidem non audiendum esse censeo. Nam primum αὕτη pronomen, quod ect subiectum sententiae καὶ μᾶλλον αὕτη φύσις τῆς ὅλης grammaticē vix aliter referas nisi ita, ut substantivo praecedenti ‘μορφῇ’ respondeat. Tum in proxime et antecedentibus et sequentibus

videntur petita, ut illa, quae paulo ante (193<sup>a</sup> 9) δοκεῖ δ' ἡ φύσις καὶ ἡ οὐσία τῶν φύσει δύντων ἐνίοις εἶναι τὸ πρώτον ἐνύπαρχον ἔκαστψ ἀρρύθμικτον καθ' ἑαυτό.

Sed quid probabilia sequimur cum certa sint in promptu! Exstant enim verba, ex quibus, quid Aristoteles de hac re opinatus sit, statim patet, in quarto Metaphysicorum libro eodem, de quo supra egimus, loco. Ibi enim Aristoteles, postquam ostendit, quis potissimum apud philosophos φύσεως vocis esset usus, quae disseruit, complecitur hisce verbis (1015<sup>a</sup> 13): ἐκ δὴ τῶν εἰρημένων ἡ πρώτη φύσις καὶ κυρίως λεγομένη ἐστὶν ἡ οὐσία, ἡ τῶν ἔχοντων ἀρχὴν κινήσεως ἐν αὐτοῖς ἡ αὐτά· ἡ τὰρ ὅλη τῷ ταύτῃς δεκτικῇ εἶναι λέγεται φύσις καὶ αἱ γενέσεις καὶ τὸ φύεσθαι τῷ ἀπὸ ταύτης εἶναι κινήσεις· καὶ ἡ ἀρχὴ τῆς κινήσεως τῶν φύσει δύντων αὕτη ἐστὶν ἐνυπάρχουσα πώς ἡ δυνάμει ἡ ἐντελεχείᾳ<sup>1</sup>. Quae verba, cum nulla sit causa, cur ab Aristotele abiudices,<sup>1</sup> nemini iam, opinor, dubium potest esse, quin Aristotelis sententia ἡ φύσις, proprie dicta rerum sit forma, atque earum quidem rerum, quibus principium movendi primo ab initio per se insitum sit. Namque οὐσίας vocem hoc loco ita esse intellegendam, ut sit rerum forma, verba docent ‘ἡ τὰρ ὅλη τῷ ταύτῃς δεκτικῇ εἶναι λέγεται φύσις’.

Quae cum cognoverimus, etiam si ab Aristotele ipso non nullis locis ἡ ὅλη appelletur φύσις, non est, cur de sententia desistamus.

Ac ne quid dubii relinquatur, quod volumus, certis verbis invenimus enunciatum: οὐσίαν sive formam rerum φύσιν esse habendam, quia in ea principium illud motus consistat<sup>2</sup>.

---

id unum ostendere studet Aristoteles formam rectius et verius quam materiam φύσιν appellari; verba τὸ δὲ ἐκ τούτων φύσις μὲν οὐκ ἔστι, φύσει δέ orationis tenori inserta sunt. Quare Simplicio adsentimur monenti: εἰπὼν δὲ μεταξὺ περὶ τοῦ συνθέτου ἐπάγει τὰ λοιπὰ περὶ τοῦ εἴδους καὶ μᾶλλον κτλ.

<sup>1</sup> Non defuerunt, qui totum hunc Metaphysicorum librum subditum esse contenderent; (cf. Prantelium in Aristoteles' Vier Bücher über das Himmelsgebäude und zwei Bücher über Entstehen und Vergehen p. 510 adnot. 37 —) qui quidem usque eo audaciores in re suspicanda quam in demonstranda aciores se praebuerunt.

<sup>2</sup> Si forte quis dubitet probare, quae posteriore enarravimus loco, nobis statim adsentietur, cum Graecorum verborum pveriderit structuram. Sententiae enim, quae a verbis incipit καὶ ἡ ἀρχὴ τῆς κινήσεως sub-

Idem est, quod in Physicis libris eodem loco, de quo modo egimus, sic docetur: omnes res, in quibus tale inest principium, φύσιν habere dicuntur, ‘φύσιν δ' ἔχει, ὅσα τοιαύτην ἔχει ἀρχήν’ sunt autem omnes eae οὐσίαι; quae vox cum sit ambigua, nam et ὑλη ita quodam modo appellatur et εἶδος et imprimis, quae ex ὑλῃ et εἴδει constant, res singulares, explicandi causa additur: ὑποκείμενον γάρ τι καὶ ἐν ὑποκειμένῳ ἔστιν ἡ φύσις ἀεί. Verbis autem ἐν ὑποκειμέτῳ ἔστιν, ut saepissime, ab Aristotele forma designatur sive qualitas, quae inhaeret substantiae. Si igitur ἡ φύσις ἐν ὑποκειμένῳ ἀεὶ esse dicitur, rerum forma non esse non potest.

Quod ex his locis de φύσεω notione cognovimus, multis aliis locis prorsus confirmatur; quos quidem omnes adferre non videtur necessarium esse. Sed ne in angustiis versari videamur, etiam eis aliqua ex parte mos gerendus est, qui vim probationis in uno testimoniorum numero positam esse censeant. Perlegant igitur velim, quae de rerum principiis, praecipue de tribus posterioribus, in secundo Physicorum libro (198<sup>a</sup> 21) disputata sunt. Cuius disputationis summa haec fere est.

Quoniam quattuor inventa sunt rerum principia, physici est de unoquoque eorum ita quaerere, ut, quid valeat ad singulas res constituendas, appareat. Tria autem principia in unum plerumque cadunt, namque τὸ τί ἔστι et τὸ οὐ ἔνεκα unum sunt, τὸ δ' ὅθεν ἡ κίνησις πρώτον specie cum hisce congruit: namque homo hominem generat. — Quid autem sit, τὸ τῷ εἴδει ταύτῳ τούτοις, haud difficile est cognitu et ex hisce similibusque satis apparebit: ἡ γάρ τέχνη ἀρχὴ καὶ εἶδος τοῦ γενομένου ἀλλ' ἐν ἔτερῳ· ἡ δὲ τῆς φύσεως κίνησις ἐν αὐτῷ ἀφ' ἔτερας iectum est αὕτη, id est οὐσία. Quod praedicatum cum articulo est coniunctum, non iam te offendet; principium enim, quod quaeritur, est unum atque certum, sexcentiens iam memoratum; cum igitur dicit Aristoteles αὕτη ἔστιν ἡ ἀρχὴ τῆς κινήσεως (τῶν φύσει δυτῶν) hoc dicit: forma rerum est principium illud unum et verum, de quo tota haec quaestio. —

Simili usus vi loquendi in proxime antecedentibus dicit Aristoteles ‘ἡ πρώτη φύσις ἔστιν ἡ οὐσία ἡ τῶν ἔχόντων’ κτλ. ubi Alexander omitiens articulum scribit: ἡ πρώτη φύσις καὶ κυρίως λεγομένη ἔστιν οὐσία ἡ τῶν ἔχόντων, cui non adstipulamus (cf. Bonitz: *Alexandri Aphrodisiensis commentarius in libros Metaphys. Aristoteiis p. 319, 1.*)

De hoc articuli usu imprimis apud philosophos vide Neuhaeuser: Anaximander Milesius p. 14 sq.

οὐνα φύσεως τῆς ἔχουσης τὸ εἶδος ἐνεργείᾳ (735<sup>a</sup> 2) et item καὶ ὑφ' οὐ δὴ κατὰ τὸ εἶδος λεγομένη φύσις ἡ δμοειδῆς. αὕτη δ' ἐν ἄλλῳ ἀνθρωπος γὰρ ἀνθρωπον τεννᾶ (1032<sup>b</sup> 24); cum quibus comparanda sunt haec: ἐπὶ μὲν δὴ τινῶν καὶ φανερὸν δτι τὸ τεννῶν τοιοῦτον μὲν οἰον τὸ τεννώμενον, οὐ μέντοι τὸ αὐτό γε, οὐδὲ ἐν τῷ ἀριθμῷ ἀλλὰ τῷ εἶδει, οῖον ἐν τοῖς φυσικοῖς ἀνθρωπος γὰρ ἀνθρωπον τεννᾶ (1033<sup>b</sup> 29) eius enim, qui gignit, forma specie eadem est atque eius, qui gignitur, atque illius quidem actu huius potentia forma est. Sin autem principium, quod inest in generantibus, a forma eorum, quae generantur numero tantum diversum esse dicitur, sequitur, ut ab Aristotele rerum forma habita sit causa motus.

Idem probare volunt, quae in secundo de Gen. et Corr. libro leguntur (333<sup>b</sup> 3 sqq.), ubi Aristoteles docere studet, quam absurdā eorum sit sententia, qui res singulares ex mera atque fortuita corporum immutabilium concursione oriri velint. Negat enim eorum quemquam dicere posse qui fiat, ut res mutentur aut natura gignantur; namque naturam certis modis legibusque operari. Itaque quaerit ex eis, qui fiat, ut ex homine fere semper homo vel ex tritico triticum nascatur et non olea? Igni aut terra id non effici, nec magis φιλίq aut νείκει. Quibus expositis quid sibi videatur, sic proponit (333<sup>b</sup> 13): τοῦτο δ' ἔστιν, inquit, ή οὐσία ή ἔκάστου ἀλλ' οὐ μόνον 'μίξις τε διάλλαξίς τε μιγέντων' ὥσπερ ἐκείνος φησιν. (Ἐμπεδοκλῆς.) τύχη δ' ἐπὶ τούτων ὀνομάζεται ἀλλ' οὐ λόγος· ἔστι γὰρ μιχθῆναι ὡς ἔτυχεν. τῶν δὴ φύσει ὄντων αἴτιον τὸ οὔτως ἔχειν, καὶ ή ἔκάστου φύσις αὕτη περὶ ής οὐδὲν λέτει'. Causa igitur movendi vel gignendi Aristotelis sententia rerum naturalium est essentia 'ή οὐσία ή ἔκάστου' sive forma vel qualitas 'τὸ οὔτως ἔχειν', atque haec essentia vel forma rerum φύσις esse dicitur, quam qui negleget, nihil de φύσει docebit.

Iam cum Schweglero<sup>1</sup> non miramur, quod in duodecimo Metaphysicorum libro res singulares ex ὕλῃ et φύσει constare dicuntur, ubi Aristoteles (1070<sup>a</sup>) οὐσίαι δὲ τρεῖς, ή ὕλη τόδε τι οὖντα τῷ φαίνεθαι . . . ή δὲ φύσις τόδε τι, εἰς ήν καὶ ἔξις τις· ἔτι τρίτη ή ἐκ τούτων ή καθ' ἔκαστα οῖον Σωκράτης ή Καλλίας.<sup>2</sup>

<sup>1</sup> cf. Schwegler. I. 1. vol. IV p. 242 'Die Form nennt Aristoteles hier in etwas ungewöhnlicher Terminologie φύσις'.

<sup>2</sup> Alexander ad locum satis breviter et commode adnotat (I. l. 649/32)

Quid igitur sit ἡ πρώτη φύσις καὶ κυρίως λεγομένη vel potius, in quo ab Aristotele ponatur, ex eis, quae disputavimus nemo non cognoscet. Namque si ἡ φύσις definitur principium motus, quod corporibus primo proprieque sit insitum, si porro hoc principium motus rerum οὐσίᾳ et εἰδεῖ continetur, sequitur, ut ἡ φύσις in essentia atque forma rerum consistat.

Atque, quam recte haec sint disputata, inde intellegitur, quod ab Aristotele rerum essentia vel forma certis verbis φύσις appellatur.

V.

Quo modo ea forma, quae φύσις appellatur, ad ipsas se habeat res.

Sed statim exoritur quaestio, quanam ratione forma rerum φύσις sit habenda. Hanc autem rationem explanare fere idem est atque ostendere, quo modo materia cum forma, si fas est dicere, coniuncta sit. Quae res facilius sentitur quam describitur. Materia enim et forma corporum naturalium adeo unum sunt ens ut vix altera ab altera seiuncta cogitari possit. Nam quae est materia sine ulla forma aut quae est forma sine ulla materia! Quam ob rem Aristoteles, ut doceat, quae sit physicorum contemplandi ratio, simili quodam uti solet atque plerumque quidem τῷ σιμῷ. Res invenitur cum aliis locis tum initio sexti Metaphysicorum libri (1025<sup>b</sup> 30), ubi, quae sit metaphysicorum definiendi ratio, quae physicorum, sic fere diiudicatur.

Quidquid definitione complectimur et ita indicamus ut, quid sit, appareat, aut sic se habet ut τὸ σιμὸν aut ut τὸ κοῦλον; quae prorsus inter se differunt: simi enim voce qualitas quaedam designatur una cum materia, cui inhaeret; significat enim τὸ σιμὸν nec ‘nasum’ solum nec ‘concavum’ sed ‘nasum concavum’, id est qualitatem materiae informatam; τὸ κοῦλον autem loquendi usu sic adhibetur, ut indicet meram qualitatem a materia sensili cogitatione seiunctam. Quod qui fieri possit, quaeris?

---

λέγει δὲ φύσιν καὶ τόδε τι καὶ ἔξιν τὸ εἶδος· ἐκ παραλλήλου γὰρ ταῦτα κεῖται. τό δὲ εἰς ἣν ἀντὶ τοῦ εἰς ἣν φύσιν καὶ εἶδος ἡ γένεσις ἔστιν. πᾶσα γὰρ γένεσις ὁδός ἔστιν εἰς εἶδός τι.

Facile id quidem dictu. Videsne κοῦλον posse appellari quamcunque rem, quoad concava sit, εἰμὸν autem nisi de nasi quadam specie omnino non dici? Itaque, si quis κοῦλον dicat, nulla re tanquam subiecta addita, nihil volt nisi ut qualitatis imago sive notio mente concipiatur, quae est metaphysicorum cogitandi ratio; qui εἰμὸν dicit, quippe quod non nisi in certa corporis parte inveniatur, qualitatem indicat materiae ita informatam, ut ne cogitatione quidem separari possit.

Si igitur Aristotelis sententia res naturales similiter atque τὸ εἰμὸν considerandae sunt, satis liquet, quo modo et forma rerum φύσις sit habenda, et quo modo physicis, quid res sint, exquirendum sit: ‘εἰ δὴ πάντα τὰ φυσικά δύοις τῷ εἰμῷ λέγονται, οἷον ῥίς, ὀφθαλμός, πρόσωπον, σάρξ, ὀστοῦν, ὄλως ζῶν, φύλλον, ρίζα, φλοιός, ὄλως φυτὸν (οὐθενὸς γὰρ ἄνευ κινήσεως δὲ λόγος αὐτῶν, ἀλλ’ ἀεὶ ἔχει ὑλην) δῆλον πῶς δεῖ ἐν τοῖς φυσικοῖς τὸ τί ἔστι ζῆτειν καὶ δρίζεσθαι’ (1025<sup>b</sup> 34).

Quod quamvis ex similitudine adhibita satis iam sit in aperto, tamen ut res pro ea qua est gravitate quasi ex omnibus partibus perspiciatur, non praetereunda videntur, quae eadem de re alia ratione in secundo Physicorum libro sunt exposita. Ut enim eo loco, quem modo tractavimus, cum metaphysicis sic hoc cum mathematicis disciplinis ita comparatur physicorum doctrina, ut termini eius atque fines constituantur. Non est huius loci singula persequi, quae ab Aristotele in utramque partem disputantur; quae huc potissimum pertinent, summatim referamus.

Ac primum quidem et mathematici est et physici de corporibus quaerere eorumque accidentibus, punctis, lineis, planis, dimensionibus neque vero utriusque eodem modo; huius enim est una cum figura et materiam corporum cognoscere; ille formas figuratasque considerans materiam prorsus neglegit; tum de corporum accidentibus alter sic agit ut de rebus per se constantibus, alter quoad inhaerent corporibus, quorum species constituunt. Itaque mathematicis licet a corporibus separare accidentia nullo exoriente errore, physicis idem facere non licet. Id quod statim apparere ait Aristoteles, si quis fines utriusque artis constituere conetur. Constituit autem hisce (194<sup>a</sup> 2): ‘τὸ μὲν γὰρ περιττὸν ἔσται καὶ τὸ ἄρτιον καὶ τὸ εὐθῦ καὶ τὸ καμπύλον, ἔτι δὲ ἀριθμὸς καὶ γραμμὴ καὶ σχῆμα ἄνευ κινήσεως,

σάρξ δέ καὶ ὀστοῦν καὶ ἄνθρωπος οὐκέτι, ἀλλὰ ταῦτα ὥσπερ  
βίς εἰμι ἀλλ' οὐχ ὡς τὸ καμπύλον λέγεται<sup>1</sup>.

Quoniam, quid haec sibi velint, supra vidimus, physicorum  
quaerendi rationem cum Themistio (I. I. p. 167) simile τοῦ εἰμοῦ  
enarranti hiscō verbis complectemur: ‘οὗτος καὶ περὶ τῶν φυσι-  
κῶν λεκτέον, ὡς ἐν ὑλῇ μὲν καὶ μεθ’ ὑλῆς ὅντων, τὸ μέντοι  
εἶναι ἂν ἔστι παρὰ τοῦ εἰδούς ἔχόντων, ὥστε καὶ ὁ δριζόμενος  
προσχρήσεται μὲν τῇ ὑλῇ δριεῖται δὲ κατὰ τὸ εἶδος.

Eodem pertinet, quod Aristoteles in Metaphysicis physicam  
discernens artem a ceteris philosophiae disciplinis de eadem re  
iudicat: '(1025<sup>b</sup> 26) ἡ φυσικὴ θεωρητικὴ τις ἡν εἴη, ἀλλὰ θεω-  
ρητικὴ περὶ τοιοῦτον ὃν ὁ ἔστι δυνατὸν κινεῖθαι καὶ περὶ<sup>1</sup>  
οὐσίαν τὴν κατὰ τὸν λόγον ὡς ἐπὶ τὸ πολὺ οὐ χωριστὴν μόνον'.<sup>1</sup>

His igitur similibusque verbis docemur rerum naturalium  
formam, quac quidem materiae sit insita, sive, ut Graece dicitur,  
‘τὸ ἔνυλον εἶδος’

primo proprieque φύσιν esse considerandam.

---

<sup>1</sup> Verba οὐ χωριστὴν μόνον ne quis perverse accipiat, monendum  
videtur corpora naturalia ab Aristotele ἀχώριστα sive οὐχωριστὰ appellari,  
quippe quorum forma a materia separari non possit. Itaque formula οὐ  
χωριστὸν, pro una orationis parte habenda est, nec licet construere οὐ μό-  
νον χωριστὸν sed μόνον οὐ χωριστόν. Quare Alexandros (I. I. 409/13)  
εἶπὼν δὲ δτι περὶ οὐσίαν τὴν κατὰ τὸν λόγον ὡς ἐπὶ τὸ πολὺ, καὶ προ-  
θεὶς τὸ ‘οὐ χωριστὴν μόνον’ δοκεῖ λέγειν δτι περὶ εἶδος ἔστιν οὐ χω-  
ριστὸν μόνον ἀλλὰ καὶ ἀχώριστον. οὐ τοῦτο δὲ λέγει δτι καὶ περὶ χω-  
ριστὸν ἔστι, καὶ περὶ ἀχώριστον, ἀλλὰ τὸ οὐ χωριστὸν μόνον ἀντὶ τοῦ  
μόνον οὐ χωριστὸν εἶπεν, ἢτοι περὶ οὐσίαν μόνον ἀχώριστον καὶ μὴ δυ-  
ναμένην χωρίζειθαι τῆς ὑλῆς.